

Na osnovu člana 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj: 35/05), federalna ministrica obrazovanja i nauke, objavljuje

JAVNI POZIV

za pretkvalifikaciju i odabir programa i projekata iz oblasti obrazovanja i nauke koji se planiraju finansirati/sufinansirati iz Budžeta Federacije Bosne i Hercegovine u 2008. godini

U Budžetu/Proračunu Federacije Bosne i Hercegovine planiraju se sredstva za finansiranje/sufinansiranje programa i projekata:

- iz oblasti predškolskog osnovnog i srednjeg obrazovanja
- rekonstrukcije školskih objekata na području Federacije BiH
- iz oblasti visokog obrazovanja i studentskog standarda
- podrške institucijama nauke od značaj za Federaciju BiH
- i podrške za oblast nauke od značaja za Federaciju BiH

I Programi i projekti iz oblasti predškolskog osnovnog i srednjeg obrazovanja i Rekonstrukcije školskih objekata na području Federacije BiH

- I.1.** Rekonstrukcija objekata osnovnih i srednjih škola i predškolskih ustanova
- I.2.** Reforma predškolskog, osnovnog i srednjeg obrazovanja
- I.3.** Poboljšanje uvjeta rada odgojno-obrazovnih ustanova kroz: opremanje učionica i kabineta, edukaciju nastavnog kadra u kantonima sa otežanim finansiranjem, hitne popravke i pomoć područnim školama koje rade u otežanim uslovima
- I.4.** Podrška stručnim udruženjima i školama za pripreme i učešće na federalnim, državnim i međunarodnim takmičenjima i smotrama
- I.5.** Podrška školovanju djece romske i drugih nacionalnih manjina i socijalno ugroženih kategorija
- I.6.** Pomoć u nabavci školske lektire
- I.7.** Izdavanje i štampanje školskih glasnika
- I.8.** Podrška školama za devetogodišnje osnovno obrazovanje i uvođenje novih metoda rada u razredu

Kriteriji raspodjele sredstava za programe i projekte iz oblasti predškolskog osnovnog i srednjeg obrazovanja i Rekonstrukcije školskih objekata na području Federacije BiH

- Kvalitet kandidiranih projekata i njihov doprinos postizanju boljih standarda i kvaliteta u obrazovnom procesu
- Doprinos uspješnoj realizaciji programa devetogodišnjeg osnovnog obrazovanja u Federaciji BiH
- Podrška projektima koji daju podsticaj reformi općeg srednjeg obrazovanja
- Podsticaj predškolskim ustanovama koje primjenjuju nove metode u ranom odgoju i obrazovanju djece
- Podrška formiranju integrisanih centara za djecu i porodice u zajednici, igraonica pri školama za odgoj i obrazovanje djece predškolskog uzrasta
- Nastavak realizacije započetih projekata i sufinansiranje projekata koji imaju podršku kantona ili općina, a od značaja su za Federaciju BiH
- Podrška obrazovnim projektima koje podstiču povratak i održivost povratka izbjeglih i raseljenih osoba u Federaciju BiH

- Podsticaj ujedinjenju istorodnih obrazovnih ustanova koje funkcionišu kao dva odvojena pravna lica, tzv. „dvije škole pod jednim krovom“
- Doprinos angažovanju i afirmaciji mladih u projektima iz oblasti obrazovanja koji promovišu Bosnu i Hercegovinu kao višenacionalnu sredinu
- Osnovnim i srednjim školama i udruženjima u realizaciji programa školovanja djece romske i drugih nacionalnih manjina i socijalno ugroženih kategorija
- Za nabavku školske lektire školskim i gradskim bibliotekama (dječjim odjelima) koje nemaju dovoljan broj naslova lektire predviđen nastavnim planom i programom
- Raspodjela sredstava na području Federacije BiH , odnosno svih deset kantona, vršit će se uz uvažavanje minimalnih standarda i kvaliteta ponuđenih projekata
- Podrška projektima obrazovnih institucija sa području kantona i općina koji rade u otežanim uslovima
- Prilikom sufinansiranja projekata kandidiranih od strane fizičkih lica, preferirat će se podnosioci zahtjeva slabijeg socijalnog statusa uz poštivanje kvaliteta i standarda ponuđenog projekta
- Prednost u dodjeli sredstava će imati područne škole koje rade u otežanim uslovima

II. Programi i projekti iz oblasti visokog obrazovanja i studentskog standarda

II.1. Pomoć u rekonstrukciji i opremanju javnih visokoškolskih ustanova u Federaciji BiH i podrška implementaciji Bolonjskog procesa

Kriteriji: prednost imaju visokoškolske ustanove za obrazovanje deficitarnih zanimanja; trenutno stanje i starost objekta i opreme; značaj nabavke opreme za podršku Bolonjskom procesu; funkcionalna i ekonomska opravdanost projekta.

II.2. Podrška akademskoj i studentskoj razmjeni i međunarodnoj saradnji u oblasti visokog obrazovanja

Kriteriji: sporazum o institucionalnoj saradnji i/ili akademskoj i studentskoj razmjeni; značaj razmjene za domaću instituciju; program razmjene koji koristi ECTS ili ekvivalent; izjava institucije o priznavanju perioda provedenog van domaće institucije i nesmetanom povratku

II.3. Podrška organizaciji i učešću na domaćim i međunarodnim studentskim manifestacijama. Podrška radu studentskih organizacija

Kriteriji: značaj manifestacije; broj učesnika; raniji uspjesi u takmičarskom dijelu u oblastima znanja i praktičnih vještina. Brojnost, organiziranost i profiliranost studentske organizacije (studenti sa invaliditetom, rad od koristi za širu zajednicu i društvo i sl.)

II.4. Podrška talentiranim studentima državljanima BiH sa prebivalištem na području Federacije BiH koji studiraju na dodiplomskim studijama na priznatim fakultetima van Federacije BiH

Kriteriji: značaj studijskog programa za Federaciju BiH i njegov kvalitet; deficitarnost studijskog programa; uspjeh u toku studija; opredijeljenost za povratak u domovinu.

III. Programi i projekti podrške institucijama nauke od značaja za Federaciju BiH

III.1. Organizacija naučnih manifestacija

Kriteriji : naučni i društveni značaj manifestacije; naučni nivo organizatora i sudionika skupa; mogući doprinos širenju naučne misli i rezultata istraživanja; mogućnost uspostavljanja trajnih veza i suradnje s domaćim i stranim naučnim ustanovama i naučnim radnicima, povezivanje sa naučnom dijasporom BiH; kategorija manifestacije (A. međunarodna manifestacija - ako ima podjednako sudionika/referata iz zemlje i inostranstva; B. domaća manifestacija sa međunarodnim sudjelovanjem - ako ima pretežno domaće sudionike; C. domaća manifestacija - ako ima samo domaće sudionike); tradicija manifestacije i važnost tematike skupa

III.2. Podrška izdavanju naučnih časopisa, zbornika radova, bibliografija i sl.

Kriteriji; redovnost izlaženja; recenziranje radova i popis recenzenata; referentnost u relevantnim publikacijama; postojanje domaće i međunarodne saradnje; sastav uredništva časopisa i omjer prihvaćenih i odbijenih članaka

III.3. Pomoć u rekonstrukciji i opremanju prioritetnom opremom naučnoistraživačkih i istraživačkorazvojnih institucija

Kriteriji: trenutno stanje i starost objekta i opreme; neophodnost zahvata na rekonstrukciji i hitne opravke; nabavka opreme za rad institucije i permanentnu edukaciju naučnih kadrova

III.4. Podrška radu univerzitetskih biblioteka u Federaciji BiH i uključivanje biblioteka visokoškolskih i naučnih ustanova u bibliotečko-informatički sistem COBISS

Kriteriji: broj korisnika; tehničko i knjižno opremanje biblioteka; učešće u bibliotečkoj razmjeni i saradnji; stvaranje uslova za korištenje bibliotečkih elektronskih usluga; obezbjeđenje pristupa relevantnim bazama podataka i uključivanje u COBISS sistem

IV. Programi i projekti podrške nauci od značaja za Federaciju BiH

IV.1. Podrška istraživanju od značaja za Federaciju BiH

Kriteriji: kompetentnost/referentnost istraživačke institucije i/ili istraživača; opremljenost istraživačke institucije; značaj/relevantnost istraživanja za Federaciju BiH i BiH

IV.2. Podrška inovatorima, tehničkoj kulturi i pronalazaštvu

Kriteriji: osvojene nagrade i mišljenje relevantne institucije

IV.3. Učešće na naučnim manifestacijama

Kriteriji: značaj naučne manifestacije; potvrda da je rad prihvaćen za izlaganje; referentnost učesnika

IV.4. Otkup naučne, stručne i univerzitetske literature od izdavača i podrška autorima u izdavanju naučne i stručne literature i univerzitetskih udžbenika

Kriteriji: najmanje 2 recenzije; preporuka institucije; visok nivo naučnog ili stručnog djela; preporuka institucije za univerzitetski udžbenik; obogaćivanje bibliotečkog fonda

IV.5. Naučno-tehnološka saradnja međunarodnog karaktera

Kriteriji: potpisan sporazum o međudržavnoj ili međuinstitucionalnoj međunarodnoj saradnji; značaj saradnje za Federaciju BiH i BiH; očekivani rezultati saradnje; referentnost učesnika u programu saradnje

IV.6. Sufinansiranje istraživačkog rada, kraćih specijalizacija, naučnog usavršavanja i studijskih boravaka u inostranstvu za mlade istraživače

Kriteriji: starosna dob do 35 godina; preporuka nadležne institucije; preporuke dva matična profesora; relevantnost naučne, visokoškolske ili istraživačke institucije u inostranstvu; spremnost institucije za prihvatanje mladog istraživača

IV.7. Godišnje nagrade za dostignuća u oblasti nauke, istraživanja, pronalazaštva i tehnologija

Kriteriji: detaljno obrazložen prijedlog nadležnih organa naučnih, visokoškolskih i istraživačkih institucija ili stručnog i stručno-naučnog udruženja i pozitivno mišljenje Savjeta za nauku

IV.8. Projekti popularizacije nauke i naučnoistraživačkog rada

Kriteriji: istraživački i drugi projekti koji doprinose popularizaciji nauke i naučnoistraživačkog rada u javnosti, a posebno među omladinom; izdavački, izložbeni, edukativni i drugi projekti

IV.9. Podrška radu naučnih i naučnostručnih udruženja u Federaciji BiH

Kriteriji: brojnost i organiziranost; profiliranost; značaj konkretnih programa za razvoj ili popularizaciju nauke ili naučne misli za Federaciju BiH

IV.10. Podrška programima obilježavanja jubileja naučnih institucija

Kriteriji: tradicija institucije i njen značaj za nauku u Federaciji BiH i BiH; visok nivo organizacije programa obilježavanja jubileja

Iz oblasti nauke i visokog obrazovanja finansirati/sufinansirati će se samo one institucije i naučni kadar koji su upisani u Registar naučnih institucija, naučnih kadrova, naučnih projekata i infrastrukturnih ulaganja u Federaciji Bosne i Hercegovine. Ukoliko podnosilac prijave nije upisan u Registar, prijavu i uputstvo za upis u Registar može preuzeti na web stranici: <http://registar.nub.ba> ili http://www.fmon.gov.ba/images/javni_poziv_upis_u_registar_2007.pdf i istu priložiti uz ovu prijavu.

Sredstva za finansiranje/sufinansiranje programa i projekata dodjeljivat će se u skladu s Odlukom o usvajanju Programa utroška sredstava i kriterijima raspodjele sredstava tekućih transfera utvrđenih Budžetom/Proračunom Federacije Bosne i Hercegovine za 2008. godinu Federalnom ministarstvu obrazovanja i nauke.

V. Obavezna dokumentacija za prijavu

1. Detaljan projekat ili program za koji se traži finansiranje/sufinansiranje i finansijski plan projekta s izvorima prihoda i očekivanim rashodima
2. Popunjena, potpisana i ovjerena prijava na prijavnom obrascu *
3. Uvjerenje o poreznoj registraciji (identifikacijski broj)
4. Rješenje o registraciji podnosioca zahtjeva
5. Kopija ugovora s bankom o otvaranju transakcijskog računa
6. Ostala dokumenta navedena u prijavi*

Prijava se popunjava na odgovarajućem obrascu, koji se može preuzeti na Protokolu Federalnog ministarstva obrazovanja i nauke i na www.fmon.gov.ba.

Prijavu sa svim priložima u dva istovjetna primjerka treba poslati na adresu: Federalno ministarstvo obrazovanja i nauke, Stjepana Radića 33, 88000 Mostar, s obaveznom napomenom: Za Javni poziv.

Rok za podnošenje prijava je do 31.01.2008. godine.

Prijave uz koje nije dostavljena sva tražena dokumentacija , prijave koje nisu dostavljene u navedenom roku, kao i prijave korisnika koji u prethodnom periodu nisu pravdali namjenski utrošak dodijeljenih sredstava neće biti razmatrane.

Za projekte i programe koji, zbog svog karaktera nisu navedeni u ovom Javnom pozivu, Federalno ministarstvo obrazovanja i nauke će naknadno, po usvajanju „Programa utroška sredstava tekućih transfera“ izvršiti javno oglašavanje.

Mostar, 24.12 .2007. godine

Broj: 01-7147/07

Ministrica

Meliha Alić, prof.